



Sýslumaðurinn á Vestfjörðum

Sími: 458 2400 - Netfang: vestfiridir@syslumenn.is - Veffang: www.syslumenn.is

Ísafirði, 18. febrúar 2021.

Samgöngu- og sveitarstjórnarráðuneytið,

sent um samráðsgáttina á www.island.is

Mál ráðuneytisins nr. 34/2021.

Efni: Athugasemdir við drög að frumvarpi til laga um breytingu á lögum um farþegaflutninga og farmflutninga á landi, nr. 28/2017.

5. október sl. var kynnt í samráðsgáttinni hér á www.island.is sem mál nr. 207/2020 “Drög að frumvarpi til laga um breytingu á lögum um farþegaflutninga og farmflutninga á landi (vanrækslugjald)”. Af því tilefni sendi embættið inn í samráðsgáttina erindi, dags. 20. s.m., þar sem fjallað er um heiti á þeim viðurlögum sem um ræðir og nefnd eru vanrækslugjald. Taldi embættið hætt við ruglingi ef sama orð væri notað yfir viðurlög fyrir að færa ekki ökutæki til lögmæltrar skoðunar og fyrir þá háttsemi að greiða ekki fargjöld í almenningssamgöngum og mun skýrarar væri að nefna gjald fyrir síðarnefndu háttsemina einfaldlega fargjaldsekt.

Á síðu samráðsins í áðurnefndu málu á www.island.is kom fram, eins og yfirleitt virðist gert, að niðurstöður þess yrðu birtar þegar unnið hefði verið úr þeim ábendingum og athugasemdum sem bárust. Hvorki hefur átt sér stað sérstakt samráð við embættið né verður séð að eiginlegar niðurstöður samráðsins hafi verið birtar heldur upphafleg frumvarpsdrög, sem ábendingar embættisins lutu að, felld lítt breytt inn í drög að því frumvarpi sem hér er til kynningar.

Því þykir rétt að koma áðurnefndum sjónarmiðum embættisins á framfæri á ný. Metur embættið það svo að þau skipti talsverðu máli í ljósi þess verkefnis sem það sinnir. Er, eins og fram kemur, um að ræða álagningu og innheimtu svonefnds vanrækslugjalds samkvæmt 74. gr. umferðarlaga nr. 77/2019 og 37. og 38. gr. reglugerðar nr. 8/2009 um skoðun ökutækja.

Nálgastr má téð erindi embættisins á síðu máls nr. 207/2020 hér:

[https://samradsgatt.island.is/oll-mal/\\$Cases/Details/?id=2796#advices](https://samradsgatt.island.is/oll-mal/$Cases/Details/?id=2796#advices) og erindið sjálft [hér](#).

Jónas Guðmundsson
sýslumaður